



雁南亦澹齋人詩稿

共 1 册 存 1 册 排架号

08619

弁言

叔南非能詩者也興之所寄志之所至情之所感往往託之於詩不虛僞不文飾不假借不敷衍譬之樵歌漁唱鳥鳴蟲聲皆真情實際之流露得各適其自然之天而已積之五十年惟此區區抑亦僅矣李白云吟詩作賦北窗裏萬言不值一杯水此數十頁之積聚能值幾何雖然此實我生心血精神之所寄者不自寶愛誰爲存留茲編之得及身而流傳之亦未始非幸事也

雁蕩亦澹蕩人詩稿

紫陽山晚眺 己酉元宵

杭州作客已年年履齒初臨到此巔半郭斜陽半嶺寺滿湖春

水滿江船風光到眼區新舊 時江墅路已開車 郊野從頭溯海田 有老人指侯潮

門語余曰予幼時曾見大潮及門下 最是令人神往事 七 戰鼓起江邊

和蘭人偈華僑入籍感賦

國風隨處掃決七百萬僑民孰主張壯歲別離桑梓地大權勞

落水雲鄉鞭笞不若生牛馬束縛何如死犬羊寄語中朝諸老

大高居簡出漫堂皇

雁山雜詠



靈峯

與汝睽違剛四載海天回首感飄零西風颯也斜陽裏到眼家  
山分外青家大人近買山於靈峯

鬥雞峰

兩雄並立尋常事同類相殘劇可憐策杖鬪鷄峰下路不勝惆  
悵是山川

天柱峰

天象崩頽信有時崢嶸兀突任撐持男兒素畜冲天志一柱擎  
天自勉之

觀音峰

慧之花已落西方法水楊枝事渺茫亞陸眾生多苦難緣何袖  
手任滄桑

大龍湫

龍大那容在此湫葱也龍氣鬱湫頭縱然螻蛄湫中住霖雨蒼  
生志未休

蘭溪宗兄叔升奉委來甌徵兵行有日矣成數絕以當驪唱  
亞陸風潮幾度催吾曹誰是冠軍才滿腔無限神州痛儘日呼  
杯澆不開

南北頻年奔走勞一無成就百無聊虎林朋舊如相問甌海朝  
朝有怒潮

西湖分袂四經年無復新詞展尺箋何日重携一尊酒與君門  
韻六橋邊

泊舟山步月登鎮遠城口占

往事回頭廿五年江山如醉恨如烟土城倉卒籌防海

鎮遠城係英法之役

所築戰艦縱橫任破天能以國仇為已責豈關砲利與船堅神

州多少舟山島處他人欲鼾眠

大離洋舟中見雁蕩山

海色蒼蒼夜色關温台風物畫圖間臨風笑指最高處此是吾

家雁蕩山

和劉冠三三十述懷並壽其老伯蓉初先生

學海堂中忽歲餘劉郎與我對門居心無芥蒂胸無物眼有春

秋腹有書筆仗三千軍壓陣梅花十一月明廬

冠三喜種梅號其曰十二本梅花廬

羨君備敘天倫樂穆也蟬也見太初

黃花競豔送高秋喜氣欣添海屋籌桃晏盛開春不小

老伯壽辰在十月

華堂再占甲重周

君家父祖孫各以二十歲遞差

芝蘭玉樹無雙種夫婦神仙第

一流福壽從來根德性木公金母幾生修

康居簡訟日怡也

君今年喬遷簡訟畢

知命年華鬢未絲文舉才名空北海

淵明心事付東籬搗來騷客皆傾蓋如我疏狂亦賦詩矯也精

神也鶴似置身合在萬年枝

昔年投筆志鷹揚漫說班超具別腸馬背保陽成往事臯皮甌

海問何長昂頭儘索消愁計躡足隨呈祝嘏觴慚愧風塵猶僕  
匕可能依樣壽高堂

詠菊

春花繁艷鬥芳柔見說風霜各自愁菊到深秋撐傲骨何花對  
菊不低頭

對菊書懷

秋意滿乾坤蕭匕歲月奔吟詩真虎嘯得酒郎鯨吞妙術龍能  
豢清談蝨可捫愁腸多感慨聊對菊花言

甌江舟行

舟程漸匕雨絲絲徙倚孤篷有所思山定方知風力弱潮生頓

覺櫓聲遲偶然酒渴思吞海祇爲愁多懶賦詩回首前途烟霧  
裏山城如畫盡江湄

越一月又在甌江舟中

底事終年勤奔走又肩行李出東關日光淡匕茫匕下海氣蒼  
匕莽匕間隔岸人家圍雜樹中流孤與賸殘山頻來詩思催何  
急祇爲江行不放閑

辛亥元旦

庭前前夜報花開忽匕建寅斗柄回醉意欲隨春意滿雨聲還  
挾爆聲來幾人解奪談經席大地已無市駿臺俯仰乾坤一搔  
首南山當戶白雲堆

偕天津臧君佑宸西石梁觀瀑

西石梁下觀飛瀑此身疑是入天台羣七素羽翩七舞穎七明珠滾七來特出龍湫開別面較之鶴寺等微埃佑宸來雁曾過蕩此梁成觀白鶴寺瀑行非為先生導我亦西游第一回

偕佑宸自西石梁回步月至大龍湫

快游好趁月明時眼底龍湫信絕奇飛瀑從空來天外好峰拔地訂心期銀河倒影三千尺白玉化煙百萬絲山色即今觀不足遊人切莫亂題詩

十四日早起遊淨石靈峰各處午餐南碧霄洞即餞佑宸

天台之行

辛亥元宵前一日有客侵晨冒雨游金鼎鐵城觀未饜將軍羅漢且窮搜興酣腰脚自然健雨過煙雲未肯收三宿雁山行作別天台有約好勾留

連日阻雨未能回校早起成此

曉夢頻驚夜向闌朝七春雨逗春寒殘黃尚賸盆中菊嫩綠新添堦下蘭兵甲羅胸終有用烽烟遍地竟無端遲七五日未歸去惹得偷閑一例看

玉虹洞晚眺

曲徑盤七西北折螺旋山後轉山前眼中萬象雄吞海頂上孤峯峭倚天龍子已隨流水去龍溪蜿蜒山道長約十里道人枯立夕陽邊斜日將沈影全

峯作道士形畢肖晚風浩蕩炊煙合直欲馭之訪李仙

端午前一日由杭赴滬留別口占

匆也又是客杭州大好光陰逐電流  
旅舍栖遲剛四日城廂變幻倏三秋  
可知大地方多故底事吾生未少休  
明日端陽逢佳節申江蒲酒任勾留

鎮海營中答葉子布余景波呂廷桂諸君

海東雄鎮迨歸程虎帳風高繫客情  
容我栖遲行生臥連朝反覆雨陰晴  
于戈此日亘天地肝胆由來了死生  
獨步堦前何所思江潮時作不平鳴

偕子布冒雨度蛟門登招寶山觀海

熟梅天氣日徘徊底事晴光放不開  
為約登山觀海去相將冒雨渡江來  
城頭樓閣塵千劫眼底波濤霧一堆  
何日蛟騰破浪去出門頃刻到蓬萊

民國元年治軍甬上元月向盡由甌率新軍乘海門輪回甬道經石浦輪機偶壞修理二日而行沈悶萬狀得詩紀事

船擱石浦東移來石浦西人力兼潮力曳船上塗泥  
石浦寧台間大海抱羣山登山一縱眺聊偷半日閑

城郭依山盡箴銘共石甬石浦北山有摩崖題孫子語曰視卒當如嬰兒夕陽何處好且上

狀元樓酒樓名

十三小水潮也退水仍高修機難下手屈指又明朝



疾輪破海過心速比輪多輪兮行不得我心將如何

陰雨連日倚亭有感口占二絕時在徐家滙軍次

亭畔梅花漸已殘連天風雨興闌珊春風吹縐一池水莫道與卿事不干

飄飄風雨千年夢破碎河山一局棋如此河山此風雨諸君能立幾多時

端陽大雨徐家滙軍次

怒雷礮已雨潺已蒲酒家已興未闌寄語世人休沈醉眼前到處是波瀾

題持刀小像

奔走年來兩鬢毛雞蟲得失笑兒曹閒居誰識心中事讀罷陰符拭寶刀

大禹陵 壬子監督紹興府屬禁烟作

壚峯拱衛鬱青已天地長留帝德馨大陸河山宏開闢神陵草

木不凋零秘書荒渺藏經穴 相傳山海經真本藏禹穴中 賸蹟摩挲窆石亭煙

禍於今甚洪水拜王殿宇乞王靈

贈新昌知事童伯康

先生大是不凡才小割牛刀試一回滿縣春花勞展布盤空秋隼見丰裁縱談家國愁千疊俯仰乾坤酒一杯今日方知相見晚姥峰沃水翳雲開

初冬出剡溪舟中晚眺

舟出剡溪又了溪，七邊秋意忒離迷。  
長堤高築千盤曲，寒岫遙迎一色低。  
楓紫槲黃煇若繪，水清沙白淨無泥。  
倚蓬嘯傲傾杯酒，目送斜陽漸已西。

儀狄作酒禹飲甘之，狄何處人史無可考。然以今日紹酒之美，按之狄或越人也。製酒之法流傳四千餘年，所以能享盛名，歟戲占一絕。

越中美酒名天下，儀狄流傳有秘方。  
大禹當年雖惡酒，七方壽世已無疆。

姚江過嚴子陵王陽明黃黎洲朱舜水先生故里

英雄淘盡留青史，滾水江流咽嗚嗚。  
當世誰稱三不朽，此邦共得四先生。  
高風大業河山壯，苦詣孤心天地清。  
龍鳳龜蛇江邊四山森拱衛，兩間靈氣蒼雙城。  
姚城跨江分兩地，一城

歲暮臘殘再上剡溪曉發蒿壩

寒林寂水悠，一抹曉烟帶月流。  
雁陣聯翩出雲際，壩前又繫上溪舟。

舟過章家埠天將昏黑灘水漸淺

淺水行舟覺路賒，黃昏將近到章家。  
舟人怕說前村路，十里灣頭鐵板沙。

舟擱十三廟前風急天雨不覺色喜

赤南詩存  
正是黃昏七黑時行舟水淺步難移篷窗滴瀝灘聲急客裏初  
吟喜雨詩

翼日氣候驟寒命舟人及從者下水推舟費力無數僅過  
一灘

朔風如剪水如刀下水推舟未半篙舟子力疲行客倦東山又  
是日輪高

過白水灘入釣魚潭水深風利景物如畫

孤舟逆上釣魚潭困苦艱難已再三深水順風輕駛去剡溪勝  
處此中探

午後大風雪抵杉樹潭上陸入嵯城

風吼雲沈鴉亂飛雪花如掌撲征衣塗人不識禁煙吏道是殘  
年有客歸

贈沃洲徐君雨香

時爲嵯縣警祭署長

誓掃蠻煙剡水濱天涯萍梗總前因不圖吾道將沈日猶見羲  
皇以上人小試治安宏德性力從恬靜著精神羨君自有千秋  
志繼往開來屬此身

癸丑人日冒雪赴竹埠查烟夜宿澄深寺此天台北路入

山第一寺也

澄深寺外碧潺七翠竹萬竿水一灣疆界我來窮越國佛仙路  
近入台山煙霞深處便爲客雨雪霏時未放閑不及老僧清且

寂白雲鎮日鎖禪關

信宿黃葛尖歸途賦此

岡巒重疊走游龍越地山川是極東界綫孤懸寧海縣遺踪來  
訪葛仙翁一燈照夜人拈竹四壁無窻被透風審識此行天戲  
我出山又是雨濛

贈金知事和仲

早讀東園集四編

宋金子休官點江令有政聲著東園集四編

詠吟政事兩流傳不圖下

邑來良吏猶見高風  
媿昔賢秋隼出塵欣有日春花滿縣淨無  
煙龍湫雁蕩多詩料莫吝品題好著鞭

甲寅春分前一日偕盛李園登長春洞

覽勝尋幽去長春小洞天方巖起脚底天斗倚雲邊峰影煊斜  
日鴉聲亂響泉碧霄殘照裏時復聳吟肩

贈南碧霄洞主人金玉峰

主人抱負獨軒七古洞重開南碧霄莫問世情多變幻自怡已  
志獨逍遙祝天勤誦經千卷愛我常沽酒一瓢慚愧風塵猶奔  
走小鄰何日可相招

乙卯七月十三晚游石門潭

結伴尋幽去新秋已十三灘聲轟晚漲暮氣媚晴嵐波碎魚吞  
月雲開石臥潭嘯歌龍不起歸去興猶酣

丁巳春暮靈巖卽事

赤南詩存  
又是靈岳三月時閑居忽已一年期春深野草多花意日暖懸  
崖尙雨絲鋤筍歸來忙煮酒採茶歌裏好吟詩倦游倚石卽高  
臥天老地荒總不知

東外谷攝影夜宿北石梁洞

十里山隈復水隈盤七危磴倚天開洞門怪石擎雲起頂上飛  
泉滾雪來過海觀音鼎興廢吹簫王子尙徘徊斜陽風雨清涼  
甚洗盡塵寰絕點埃

芒鞋踏遍雁山頭百二奇峰取次收到此已窮搜索力天開圖  
畫鏡中留

遊天台自華頂寺步月登拜經臺

天台高萬八千丈難得晴空面七開爲欲侵晨觀日出相携踏  
月上山來直攀星斗無多路俯瞰滄溟等一杯可笑青蓮猶是  
俗夢魂何不到斯臺

戊午仲春偕道人童理貫趙理苗游武夷山留題天心永  
樂寺

我是閑人未放閑芒鞋竹杖出鄉關者番跋涉千餘里來看武  
夷九曲山如此名區天不管最憐大地石都頑新愁舊恨齊收  
拾付與蒼苔草間

上巳重至天游峰

武夷佳勝處雙屐幾窮搜難得山中住重來天上遊羣峯齊拜

手九曲看從頭醉酒評佳茗臨風散百憂

黃山松谷寺題壁

文殊院上蓮花頂獅子林邊石筍缸更有靈竒觀不足寒潭萬古自淙也

出黃山

芒鞋竹杖二千里谷底峰頭六日間不負此行難自信逢人莫亂說黃山

己未季秋遊濟南龍洞遂至佛峪觀紅葉

肩輿彳亍繞溪行四壁空峰矗化城秋意滿山紅盡葉白雲流水自然清

謁閔子墓

濟南東郊

歷城東行二三里老柏蒼也入畫裏荒祠數椽土一壤來訪古墓拜閔子百行之中孝爲先聖門首推閔子騫蘆衣瑟縮苦一子不忍飢寒到弟邊吁嗟乎倫常莫如庶子難隔重肚皮萬重山從來婦人愛少子鬚眉丈夫頓無顏閔子所遇如茶苦閔子有懷向誰訴慈父之心不可傷繼母所爲甘自受至誠格天神鬼愁人無間言復何憂石棺賸跡幾千秋南指汶河水悠悠

庚申春日項君慎初招集旅濟同鄉於歷下亭讌敘攝影

詩以記之

百花堤畔夕陽遲吹到春風柳欲絲池上古亭鄭氏注濟南

士杜陵詩人生聚散原無定客裡遭逢若有期我亦天涯悔淪  
落展門應自愧鬚眉

白石經山至雲居寺觀水源

峰頭行到水源頭曲上清溪滾上流兩岸垂楊青欲滴幽州記  
否似杭州

偕萬伯衡鄭之初自洛陽西工軍次策馬至龍門觀造像

遂至洛城飲於豫西酒樓

洛陽郊外春三月伊闕門中佛萬尊聯轡游觀多逸興豫西樓  
上醉黃昏

嵩山少林寺題達磨面壁石

按達磨面壁在熊耳山非嵩山也

此石既非壁上石此影如何面壁人此石此影有此理荒唐神  
話盡爲真

峻極峯頂口占

幼讀嵩高峻極詩嵩雲岳色繫懷思春風吹我來峰頂正是天  
中日午時

恒山懸空寺

策杖恒山下沿溪路欲窮諸峰皆壁立一寺忽懸空佛殿虛無  
裏禪房縹渺中憑闌虛久坐更上最高峰

初秋北斗洞卽事

我愛山中住秋風又倚闌巖簷晴滴雨石窟晝生寒飽挹千峰

秀言尋九轉丹溪邊閑眺去新月綴雲端

冬日偕董平洲宗松道人游南雁蕩風景無奇信宿仙姑

洞題詩而去

乘潮朝發古鰲頭冒雨來為南雁遊月牖雲關亦復爾石門藤  
道不須搜胸中邱壑原無物眼底煙雲若有愁信宿題詩下山  
去世人盜竊幾時休

紅葉

霜重天寒多苦辛丹楓紫柏費調勻一年好景惟紅葉點染江  
山別樣新

辛酉七夕

人家兒女不知愁瓜果紛陳拜斗牛欲寫吾心星耿耿獨携尊  
酒月浮七巧非可乞寧安拙天不能言容易秋惟願洗車得霖

雨明朝盡解萬民憂

時正苦旱

大荆鄉俗於中元節迎城隍神有十番音樂行列其中初

十夜開始練習余亦弄笛與焉人有議余者詩以自解  
新秋夜靜月當空最愛今宵有好風各挈管絃與絲竹游行南  
北復西東任他三七二十一聽我四五六尺工仙詠霓裳亦復  
爾人生至樂在其中

十四五夜率同十番音樂自蒲溪泛舟至石門潭此破天

荒事也因用前韻



塵寰擾七總成空四顧蒼茫欲御風月白風清此良夜銅琶鐵板大江東行舟逆水覬羣力關石爲門有化工誰識偷閑學年少碧波萬頃在胸中

輓周品超用前韻

矯七周郎羣馬空昂然投筆去乘風龍韜容我隨湖上

同學於杭州武備學

皇蜃氣漫天惜甬東

丙辰冬寧波獨立品超以先鋒攻曹娥甚力

國事如斯生亦死吟魂

偏欲拙求工不堪回首梅溪路蕭瑟六楓秋意中

去歲余至樂成出品超飲余於梅溪書院旁有六楓

處暑節入山枕上口占

出山將五月重到已新秋涼月連峯照清泉繞枕流爲知身是

夢自與世無尤曙色濛籠裏白雲去復留

山居卽事

山裏逢秋分外佳閑來諸事好安排瓜園種菜先培壟竹筧疏泉已滿堦溪畔晚涼摩斷碣巖阿晴日拾枯柴倚樓一曲臨風笛時譜新聲與俗諧

雷雨

雷雨洗秋山陰晴候忽間劈空雲朶七飛溜水潺七蝙蝠穿梭急蝦蟆擊鼓閑講明羣物性兒女盡開顏

廿六日早起渡臥龍溪

昨宵徹夜風兼雨陡壁懸峰瀑亂垂拂曉起身無所事出門悵

叔有詩存

亦澹蕩廬城板

望欲何之連衣涉水任人笑橫笛看山亦自竒拾得野花供書  
案啟窗潑墨寫新詩

喜晴

陰雨連三日今朝乍放晴雲開峯影動水漲谷聲爭竹筧泉都  
塞松梢露漸輕夕陽無限好弄笛傍溪行

嗟

嗟也蒼昊太無情歷劫茫茫此眾生骨少狗多民命賤池深馬  
瞎客心驚愧無功德能傳世豈有英雄浪得名誰謂浮沈非氣  
數南陽何事亦躬耕

偷閑

偷閑奚必恤人言身入空山鳥出樊一笛一杯消永日半晴半  
雨近黃昏環樓翠靄難爲晝濺石泉聲不厭喧舉世紛爭緣底  
事經秋葉落總歸根

八月初五夜見新月

十年人海感飄蓬倏忽靈巖秋欲中綿被夜涼猶薄也酒尊家  
遠易空也偶談世事心多苦得住各山道未窮拔劍塔前剛舞  
罷雙鸞峯上月如弓

墾園

山裏纏羶遠呼人墾小園辛勤移石塊子細檢柴根出土茶株  
瘦緣籬竹影喧此中忙亦樂非敢學青門

又有詩存

鎮江高君鶴年精通內典遍朝名山傾慕久矣游雁見訪  
詩以贈之

飄然雲外鶴傾慕各西東難得羣峰下相逢一笑中襟期秋夜  
月肩荷佛家風雁蕩多奇勝君應細比窮

登蓮花洞

欲上蓮花洞先登小展旗路經百步峻山是十分奇偶入雲深  
處剛逢飯熟時吾廬相去近歸詠可遲

散步至龍王廟路亭

三里龍王廟携兒幾度經橫溪排短磴當路峙長亭向晚行人  
少高談野老停今年禾黍好合地賴神靈

霞嶂洞

響巖門裏外四五野人家有洞嵌霞嶂懸空傍水涯半天雲綉  
綵長日雪飛花岡上聽詩叟詩成莫漫自

大夜時雨時止書示中兒

夏前曾苦三旬旱秋到卻無兩日晴草際螢飛猶黯淡峯頭猿  
嘯倍淒清驟添澗水茶都濁隔宿爐香篆不成如此空山如此  
夜消愁尙有讀書聲

雨魚

有序

今晨早起個人周家鳳於靈巖寺側拾得鯉魚一尾長可  
六寸持以見告云昨宵大雨所隨下者杜詩云驟雨落河

魚今親見其事矣相傳龍能帶水魚偶被吸去隨雨而下  
山間所常見者其究竟尙待研究耳

希竒荒誕事目覩卽非虛只道秋霖雨不圖天落魚山間無此  
種腹裏合傳書爲信神龍說茫洋一氣噓

登飛泉嶺

常經馬鞍峻飛泉嶺更長澗邊花錯落雲際鳥廻翔俯挹靈岩  
秀平臨古洞方水聲嵐翠裏禾黍正飄香

謁豁庵國師墓

在飛泉寺右

雁山十八剎到處劫餘灰寺裡無僧住墳前有客來殘垣圍巨  
棘短碣蝕蒼苔惆悵秋風苦大師去不回

戴辰峯頂遠望

戴辰峰頂立萬象集秋岑片竹一溪碧青松五里陰遙看滄海  
潤愈覺白雲深眼底塵寰遠悠然放胆吟

連日大風雨

雲低日暗鳥飛絕竹偃松垂風怒摧雨陣壓山錢氏弩谷聲動  
地禹門雷穹檐重瓦猶穿溜冷灶鮮柴漫撥灰相聚家人閒笑  
語天公忙碌洗塵埃

中秋見月

連日天如醉月明卻有期正當雲破處恰好雨晴時分餅兒曹  
樂舉杯獨自宜攀留終不得三復謫仙詩

賞月

月滿太空酒滿卮年々今夜總如斯酒非有味人頻醉月自無  
聊賞亦癡浩々秋光甘冷淡茫々天道孰盈虧笛聲劍胆新詩  
句不合時宜一肚皮

十六夜月

彈指中秋去風光喜未更徘徊峰頂月依舊昨宵明入望原無  
異長圓倍有情遲眠何所思俯仰一天清

天窻洞

古洞天窻去不遙竹林穿過轉峰腰山靈猶恐迷來路特展大  
旗向客招

月下醉賦

徒倚空堦一笛橫碧天如練夜三更月明巢鵲隨鴉出境靜池  
蛙作狗鳴飽看好山應老死強斟薄酒壓愁生詩成強醉登樓  
去便入睡鄉魂夢清

登西庵嶺至履雲闕下

西庵嶺更西初疑仄徑迷層巒開錦繡一碧襯玻璃直上玉屏  
近回看天柱低紅塵飛不到何日此幽棲

小龍湫溪中有石刻水涸得見命工昇至觀瀑處文爲蘇  
○皇祐庚寅八字詩以紀之

審言石刻東流逝

大龍湫有杜審言來此石刻去  
年大水被水冲去不知何往矣

皇祐殘文絕壑藏八

百年來人不識夕陽無語獨蒼茫

大山匝月人問山居何所事詩以答之

兩間清氣入秋多一月光陰自在過市上備歸軍奏凱門前客  
到覲逢魔詩無拘束留真趣酒有餘歡發浩歌毀譽恩仇收拾  
起心平自覺笛聲和

重九日挈德中偕張修父及宗松道人登百岡尖

清晨集良伴去踏萬峰秋箬葉高堪隱茅根滑欲流海平天縮  
脚山聳地昂頭便欲常携酒雲端一笑留

百岡尖口占

雁山絕頂倚天開我已游踪兩度來今日登高千百輩白衣烏

帽盡塵埃

由百岡尖過白雲坳經上龍湫至白雲庵稍憇進食留題

庵壁

百岡尖峻極來往白雲中澗竹深搖翠巖楓早染紅渴嘗湫水  
美飢嚼野蔬濃如此登高者有誰興可同

登蓮花洞經淨名寺觀張修父寫真

天光明淨碧箋鋪百二奇峯作畫圖造物亦嫌顏色淡丹楓紫  
柏費工夫

鐘君憲鬯調查全國生物來雁蕩相與自靈峰至靈岫登

仙橋採植物賦此贈之

遘迥相逢鐘子期  
瀟灑涼雨晚秋時  
張華博物於今陋  
謝客好遊信是兒  
小草出山爲遠志  
靈區從此獲新知  
仙橋飛駕無多路  
翠橋丹楓合繫思

人日快晴携中兒度東溪至陳安廟野望

晴日出門放浩歌  
逢人都半醉顏酡  
一行老樹沿堤立  
十步小橋橫水過  
野菜著花春信動  
(明日立春)溪苔長綠雨痕多  
奇峰西挹會仙秀  
萬疊烟巒擁紫螺  
(廟外西望正對會仙峰)

偕盛鎮南李乘殷自北閣至南閣謁吳恭毅公墓遂登仙

巖洞

相携北閣來南閣  
欲把諸峰徧品題  
喬木忠墳曾展拜  
仙岩古

洞更攀躋龍涎一滴靈泉湧

洞中有泉甚奇雁影平湖夕照迷  
盡力探奇拚命酒

宿仙岩洞

一夕仙巖洞清寒倍寂寥  
佛燈長夜點野火  
隔山燒渴飲仙泉  
水飢餐芥菜糕  
浮生同是夢何必叩求勞

顯勝門

仄徑沿溪入  
偷然萬綠迎  
水清都見底  
峰怪不知名  
峭壁當頭壓危崖  
放胆行何時  
鑿奇險賞勝集同情

謁吳千峰先生墓

七年縣令百年身  
仙骨佛腸迴絕塵  
猛虎當途空色相  
蹇驢覓

句見天真幽銘殘石文堪寶

過追孝庵獲觀公撰書陳孺人墓志銘

落日荒墳草自春

二谷評衡原不爽高風彭澤仰斯人

侯二谷作公墓表比之陶彭澤

止已抱病來靈岳結廬瓢飲谷

我到靈巖住於合已六年近無除病藥薄有買山錢選勝誰相及編茅得自然不須嫌窄陋萬象拱簷前

宿北斗峒春暮阻雨

倚窻何所見嶺級傍岩斜溪上添新漲峰前落野花白雲封樹杪細雨長茶芽那得留春住朝也醉紫霞

過石梁洞贈葉升半先生

長日洞天靜掩門我來如入水心村清香試品新茶葉神妙竊

搜枯樹根涼雨連朝春太苦石梁無恙各忘言倚闌未盡登臨興雲壓前峯便欲昏

初夏過本覺寺探雁潭

本覺坑難到行七十八灣羣驚龍宿處那有客游山瀑吼峰都動崖懸路盡關探竒久成癖前進不知艱

佛誕前一日過石梁洞葉升半先生見示趙廣棨先生閑

七居落成詩二律屬和卽用原韻奉答

泛棹常經花與旁遙看大厦帶長廊行人爲述做官好到處未聞作法涼守舊家風一葉鶴嘆新世界幾滄桑自慚未識荊州面便學苦吟妨不妨



買山雁蕩住明堂惹得俗人笑我忙虎帳風高原是夢龍湫水  
怪自流芳竒峰拳石都堪賞竹杖芒鞋不費粧最恨虛名逃未  
了呼雲繞屋作圍牆

家居日久沈悶無聊冒雨來北斗洞得一律

蘭花如筍滿庭坡獨有清懷撥不開容易秋風驚歲晚淋漓大  
雨入山來峰頭雲重昏忘晝谷底泉奔怒吼雷乍了肩輿停未  
得褰衣沿路淨塵埃

汪君孟舒寄示游岱紀勝畫冊十四頁因用東坡答周邠

寄雁蕩山圖韻一首奉題

未向明湖作釣翁相携同上碧霞宮大觀俯見麗天日往事長

懷表海風落紙雲烟儻冀北羅胸丘壑歷江東勝游名蹟合常  
在三載光陰一瞥中

病起述懷 壬戌立冬後五日

去年重九登百岡一覽羣山俯大荒今年重九病臥床神志昏  
七天茫茫平生自恃體魄健咄爾病魔本尋常憶昔歲在己酉  
年時在州校主講堂暑假歸家多閑暇往游雁湖冒驕陽是日  
炎陽烈於火灼膚紅紫不可當熱炙暑侵飲水多連夜趕程體  
力傷病未發時猶眠食病一發時摧五臟大熱大汗大吐瀉七  
晝七夜心鞞鞆兩眼周圍皆深紫語聲對面隔重牆一病至今  
十四年賴有人參白虎湯我居雁東大荆鎮宅地高亢小帝鄉

今年兩次遭大水堂奧都浸水中央其時乃在夜之半驚醒妻  
孥倒衣裳初次大水吾體健二次大水便泄溏夜半天寒水沁  
骨濕氣漸侵若有銑事過未用紫蘇散又未橘餅煎紅糖病源  
所受已如此誰知卽此種禍殃九月初二病初發寒熱來往似  
無妨服藥一連五六劑病未稍減更受創病不服藥爲中醫庸  
醫乃爲虎作倀頭痛直疑腦破壳背酸卽是脊斷梁溼邪傷肺  
作乾嗽欲嘔不得嘔斷腸肚腹時時痛甚劇作痢數日日陷眶  
病勢如此藥亂用藁仁青黛黃芩黃終日輾轉床褥間坐臥斜  
倚均不良入夜體熱不能寐屢看時計天未光義馭若解人愁  
苦應改三更作五更親戚朋舊聞我病飴糖鮮果紛相將吾舌

之甚厚如綿佳味一一不能嘗老母愛子情最切終日兀坐吾  
之旁我病日已無起色容色慘沮情徬徨吾弟日夜勤奔走延  
醫擬藥費商量西接醫生來北閣南請醫生到杏莊生病還是  
值病苦每思此語涕泗滂西風瑟瑟夜有霜晚禾處已已登場  
家人收租正忙碌益以待病忙裏忙稚子驕憨不解事曼聲作  
吼肆猖狂日暮歸家解衣舞自謂習武做大王一病臥床兩個  
月去如抽絲胡不遑自過立冬能健飯每餐漸覺飯味香久病  
飯後最忌睡閑鼓洋琴協宮商有時且閑留聲機南腔北調奏  
鏗鏘冬日當簷黃棉襖我亦移榻出病房與我後光同病者三  
匕兩匕上北邙吁嗟乎人生修短本有數我命由來繫彼蒼清

心寡欲節飲食葆真返元母自戕世間那有長生不死藥彼愚人  
人兮秦始皇死或泰山或鴻毛泰華月明信步行生本如寄死  
乃歸安用戀七七尺之昂藏一念參透生死關盡脫利鎖與名  
韉惟我精神合長在百鳥收聲聽鳳凰

癸亥春中偕升半先生三宿二靈重過石梁賦呈

入山三宿便還家不厭石梁路幾又碗裏酒香凝竹葉林間人  
語摘松花春風多事清明近長日無聊醉夢賒偶學苦吟忘久  
坐前峰已是夕陽斜

松鼠行

見人捕松鼠歌以紀之時居石梁洞

松梢日出鳴山稚豆圃夜深防野鹿嗟爾松鼠何爲者危崖穴

壁安棲止林端屋角任馳驅草果木寔供甘旨不作鼠疫危世  
人那知鼠思從何始陽春淑氣萬物生鼠亦及時產其子風日  
晴和携子行鼠輩追隨忘累七牧童豎子瞥見之攘臂逐七眾  
闕起有鼠入穴牆爲翻有鼠升柯木幾毀脚忙手亂紛喧叟嚇  
破鼠胆尙不已大鼠捷足先鼠竄亂離奈能顧彼此小鼠罔識  
世路難東奔西突昧所以枝頭草際藏未穩頃刻捉到人手裏  
縮尾屈躬口大開雙目緊閉不敢視腹中翕張氣綿七鼠子狡  
獪假裝死人或受愚忽提防出柙虎兇差可擬麻綫十字絡鼠  
身利剪雙鋒去鼠齒社鼠猶冀作威福碩鼠差勝無禮耻眾獬  
捕鼠拍手笑鼠兮何所施其技夕照銜山歸家去持示家人歌

且喜君不見夜深樓前母鼠聲啾啾呼兒到曉腸斷矣

三月廿八日久晴望雨天忽雨霽

午雷聲驟起凝望意蕭蕭風吼雲飛駛雨斜雷亂跳劈頭驚瓦碎入手即冰消太息田家苦新秧正插苗

霜降前一夕雷電大雨用胡伯周見贈韻卻寄

病後胸懷日放寬逢君最怕上詩壇明珠滄海拾來易玉宇壇樓高處寒每到三秋增感慨還將兩字報平安霜天瑟瑟雷聲急時事顛危一例看

祝張暄初省長太翁以柏先生七旬雙壽

人生七十古來稀况是齊眉偕老時有子能為桑梓福無人不

誦葛藟詩烟霞剡上懷前轍杖履新昌寄遠思

壬子之春呂隨初省長監督紹屬禁烟

三至新昌阿里以事羈未親拜謁

今日空山狎泉石祝公純暇到期頤

厲蘊山以雁山王石章見贈莊菘圃詩來道賀依韻答之  
世界共和那有王蒼涼當代已人荒詼諧客作辛垣衍慚愧吾為秦舞陽萬事只拚終日醉寸心早減十年狂與君兮谷比鄰久補短還須君截長

亂礁洋舟中寄友即用靈巖見贈韻

相逢一杯酒斟來琥珀紅論情潭水淺送我海門東天氣驟寒熱人心悟色空憑欄時極目猶在亂礁中

甲子初夏偕周幼康黃胥菴王志澄李佩秋周季綸小集

雲居山莊飲酒吹笛長日甚樂賦一律留呈主人鑑宗  
將軍

幽居高踞白雲峯儘日徘徊歌笑中有酒莫談天下事得閑都  
是主人翁江湖滿地風波靜煙火萬家氣象雄長笛一聲歸去  
也遙山無語夕陽紅

小集雲居山莊分韻得眠字

居在雲居別有天湖邊半近半江邊地隣聖水唐時寺門對龕  
山海外船濁酒自斟澆客思胡床斜倚足清眠杭州十日俗塵  
滿如此登臨合是仙

大風雨宿北斗洞和劉次饒先生韻卽呈呂文起先生暨

同行諸公時爲希召解紛也

洞天常抱白雲眠忍渴不甘飲盜泉行到高山知平地曾經滄  
海閱桑田狂歌濁酒聊終日苦雨淒風又一年恩怨親仇春夜  
夢大都注定在生前

蘭溪舟中贈汪君篤卿篤卿爲開化商會七長自治法會  
議代表同事精究天文地理之說三衢將有戰事余往  
參第三軍戎幕偕行談笑甚樂

信知佛氏說因緣千里相逢坐並肩如此風雲天不管最難笑  
語子來前眼穿地理欲無璞心濟時艱願學弦雁蕩家山奇秀  
窟何年同上海門船

子陵魚

客星犯座記中興留得釣臺任客登何物江魚工依傍也標名字說嚴陵

釣臺

古今垂釣人多少獨有先生臺尚畱非是此間風物好清風亮節自千秋

中秋過嚴州東關酒樓

七年黃海記前游曾到東關最上頭遍地烽煙猶作客滿江風雨獨登樓人經潦倒骨偏傲夜甚清涼月不秋佳節異鄉一杯酒憑欄無語聽江流

衢州有序

余遍行諸府獨未至衢甲子中秋後三日應潘鑑宗司令之聘到達衢城時孫傳芳已踰仙霞嶺我軍在江山戰敗全部退卻余留兩小時卽匆言旋不忍行吟亦聊志鴻爪爾

浙中大府游踪遍太息三衢不可留日落仙霞天設險風悲澗水客封侯江干送別空千里紙上談兵共一丘我本奔波無定客行裝未解卽歸舟

再至北海

問余何事客京華太液池邊常駐車世亂忍拋山水窟身閑時

赤南詩存  
過帝王家佛堂香界來戎馬宮樹高柯宿暮鴉今古興亡都賸  
蹟斜陽依舊絢流霞

偕劉貞晦雪香齋晚酌

宜南寒氣壓城隈每日與君醉幾回試向雪香嘗酒去相逢佳  
客結羣來冰盤小菜偏兼味合座狂呼又一杯聽到鄉音都知  
已滿腔懷抱豁然開

大沽口舟中

行程又向大沽來獨上船樓望眼開隔岸漁村連樹遠沿江冰  
陣逐潮回東南烽火頻見告滄海橫流劇可哀此日同舟多歸  
客鄉書臘鼓一時催

乙丑元旦

余於甲子除夕到家七人因兵難八月間走避雙峯

一十七旬勞奔走六千里路乍歸來合家爲述離中苦到處都  
成劫後灰兒輩有知書卷樂萱堂無恙酒樽開前村爆竹偏多  
事誤作砲聲動地哀

人日偕侯授心至馬鞍嶺勘度修鑿嶺頂事時風雪甚緊  
寒威侵骨

新歲逢人日看山到馬鞍不嫌風雪苦欲致道途安鑿險心猶  
壯穿雲事豈難異時佳客過萬壑鳥聲歡

過嶺天晴遂至大龍湫

百盤嶺頂胸懷遠十里龍湫脚力微紫嶂日明冰未動碧天雲

淨雪猶飛摩崖竒字新題壁傍水人家半掩扉忙裏偷閑也  
不  
得靈巖夜火客初歸

海坦山 有序

山在鹿城華蓋山之北上有郭仙菴清同治時樂清瞿晉  
漢亂平歸功於楊府神建廟庵側郡守戴澗鄰有碑紀之  
二月朔日天陰風急旅舍無聊挈中兒登之燒香男女絡  
繹於道

漫游屢上大觀亭山色無如華蓋青此日海壇初登陟當年仙  
蹟已彫零春光黯淡愁難遣民智銷沈佛自靈寇至城危人不  
管潤州太守尚書銘

### 花朝大雪

天雨又天陰嚴寒透骨侵朝來花緩上門外雪深上排悶當爐  
酒消閑倚枕吟時還吹長笛客裏幾知音

雪霽偕劉資健資福寺左宜右有山房觀雪用胡仲異韻  
一首

時樣軒窗面已開西山爽氣挹松臺舊知有寺雲閒起難得與  
君雪後來滿眼白舖新世界大江東去幾人才蒼茫百感真無  
那更上山亭掃綠苔

### 柝溪舟中

日潮落盡夜潮生直上沙頭天漸明新柳舒條烟澹蕩羣鷗浴



處水深清遠峯窺客時昂首淺瀨抗舟強作聲我已倦游將五  
載春風猶覺一身輕

偕徐君緝之鄭君藩侯及兒子德中遊大若巖宿陶公洞  
修真世說陶宏景攬勝我來大若巖星斗欲移峰倒壓樓臺竟  
掩洞空嵌青山依舊白雲遠赤水無源涼月銜分得佛燈閑對  
飲明朝好挂下溪帆

大若巖志梁陶宏景修真語於洞中人向山中何所有  
日嶺上多白雲只可自怡悅又隋開皇時有孝琳禪師  
修淨業於此巖下偶出赤水朝出供聖暮收自  
飲壽一百餘今洞中衰頹殊甚

陶公洞有感用何无咎先生韻

逆水行舟覺路長神仙事蹟總荒唐洞門石怪煙霞古枕上溪  
流風雨涼半夜奇言誠可嘆

志載乾道間有國師在洞中夜聽奇言喟然  
嘆曰奇哉此地如人之盛衰如運之否泰

前園杞子不留香

三國時王元貞居此其徒朱孺子在前  
園掘枸杞形如大烹煮三晝服之登仙

家山百二峰巒

好到處清游未肯忘

十二峰在大若巖北嶺上宋林一龍先生讀書處

百二峰下主人翁來看柝溪十二峯峰北相見似相識面也透  
剔且玲瓏八百年前隱君子讀書求志在此中一朝出為天下  
雨分付嶺上白雲封

偕緝之自鹿城回樂清萬果舟中險遭不測

舟行將半日雨勢急相催橋下風狂吼  
水氣色各如灰不畏征途苦甌江又一回

雨後偕緝之朱桂秋金宰成廬霞九徐聲璫至白鶴寺觀

瀑

步出西城塵慮逍遙看瀑布落山腰呼號風雨聲悲壯激盪雷  
霆影動搖雲碓人來春玉粒溪亭客到挂詩瓢文君鶴駕蓬萊  
遠嶺上丹霞不可招

偕緝之自樂城冒雨歸家午飯虹橋題酒家壁

正是歸心如箭時寒風拂山雨絲山主人留客多佳意夫役畏  
難有藉詞惟我不期紅日出與君同向白溪馳花黃麥秀虹橋  
鎮滿眼春光只寫詩

登積穀山

日長無一事倦讀只登臨樓臥千年樹山下南側為臥樹樓花開百里金

菜花盛開遍野燦爛如金煙波橫海遠風雨惜春深陰雨旬日乍晴又有雨意喜有詞人在時

還訪石林山下為永嘉詞人祠石骨突露張閩生道尹新題石林二字

偕陳叔清登雪山遂至護國寺

一葉扁舟五里塘水心村落更西行好山近郭多青塚春水平

湖已綠楊得遺清閑僧亦苦未修福慧佛無光護國寺久圯僧篤定等重興之有放光

塔出自土中文曰五百年後有福慧者重建此塔以垂不朽建時無可致嶺頭不盡茫茫意佇看遠波

映夕陽

讀陳志三先生手編利濟報

奇才不世舊知聞春雨小樓讀大文精思欲醫一國病筆陣橫  
掃千人軍時宜不合誰知我着實向前獨有君八百年來永嘉

學殘編猶在祝興雲

存社成立讌集印山醉歸成一律呈社中諸子

古寺晨鐘工部意王風蔓草謫仙詩合朝雅集知何似舉世狂  
瀾既倒時求放心為真學問合羣力願苦撐持空堦夜雨春歸  
未枕上漫吟當頌詞

三月晦日赴杭州夜宿潞橋

三月正當三十日春歸何處我離家嶺頭纔摘新茶葉壠上猶  
開大豆花節氣多寒遲物候客心如夢到天涯東風撲面舟無  
力未抵丹崖日已斜

舟山舟中

昨宵魂夢強矜持浪打杯盤盡倒欵天上風雲原不測吾生江  
海慣奔馳茲當潮落開船後難得波平若鏡時極目蛟門空濶  
處漁舟點匕自追隨

立夏日游西湖別半載矣口占一絕

如此湖山清氣少無聊身世酒腸寬眼前猶是堤邊柳一樣青  
青兩樣看

康南海先招游龍井偕遂偕同五將軍登棋盤山即呈

叨陪山寺飲山淥

先生題龍樓為飲山淥閣

寺

更上風篁石徑斜

山路經風篁嶺

淡靄微

雲數點雨茂林修竹幾枝花滄桑閱遍餘紅豆

將軍清室漢胄書畫藝術無此不精目擊

紅豆主天地游存吐異葩使我心胸開萬古憑高一嘯落飛霞

同學無錫李佛舟繪秋菘圖見贈即題圖上

雁蕩山頭亂雲飛西湖有客未言歸佛舟畫成佛腸冷菜畦無  
恙菜根肥佐以綠茶紅米飯穿來芒鞋粗布衣不必侯門鄙肉  
食自甘澹泊自忘飢

諸暨斯道卿先生以所畫墨蘭花卉見贈賦呈

二十年前化雨親猶於劫後見斯人眼中不盡江山恨去年浙軍敗於江山

光生時團附筆底長留花木春閑向畫圖窮變化可知肝胆鬱困輪墨

蘭葉七饒生趣一度觀摹一愴神先君子畫蘭家中未留一幅

自治法會議百餘同人連日飲譙門酒甚烈推余為酒王  
戲成一絕

昔年策杖為山賊今夕舉杯作酒王百事未成成就此問天生  
我太荒唐

又四月十一夕獨飲湖濱酒樓備酒保者二十年前舊相

識也為賦一律

日暮酒家獨駐車老傭相見意非疏安排瓜子花生未脫口蝦

仁醋溜魚劫後何須提苦樂余庸於仙樂處今為苑址樽前只合話樵漁好

風拂七溶七月帶醉歸來興有餘

贈分水何松坡先生

先生不知何許人來自分水七之濱千杯美酒非為飲一筆蘭  
花都是春醉裏乾坤天上樂海南官宰夢中身風塵亦有虬髯

容采劍江湖好比鄰

季夏既望存社友小集石門潭

蕩南曾約千峰叟三百年前此賦詩潭水澄清無別恙雁山勝  
會有佳期舉杯邀月凝香汗削玉浮瓜泛綠皮太息風雲多變  
幻吾儕嘯傲易傷時

立秋後五日熱極挈中兒川兒逃熱至北斗洞午後大雨

天驟涼

無方逃熱似逃禪慣踏峰巔復水巔大忽作雲霖雨我來半  
日小遊仙洞幽泉冷生涼易秋早巖高得氣先山外農夫傷久  
旱可能膏澤沛禾田

偕潘鐸民吳江洽自靈峰至真濟寺遇雨

爲尋古寺傍溪行一徑高低漸不平急雨方過都作瀑好峯何  
必盡題名松閒倚石看雲起谷口褰衣愛水清莫怪秋光太冷  
淡風雲變態客心驚

海寧觀潮

八月十七日

連宵湖上雲中月今日長安雨裏舟一笑相看雙腳赤(車至長  
安大雨舟抵海寧雨猶未已觀潮者多未携雨具雨傘售賣一  
空余赤足持傘市人相視大突)萬頭攢動兩山浮(潮至龕楮  
門先見一白微茫夾山進行觀者即拍手歡呼)呼號風雨天  
如晦震盪乾坤海倒流強弩三千人往矣江湖絕勝冠神州

夜潮

日潮落盡夜潮來又出城東看一回燈火沿塘明古塔（月暗  
有雨觀者頗盛鎮海塔旁尤擁擠）泥塗載道上高臺異聲動地  
金鰲吼黑影橫江鐵騎摧那得清虛留向月暢懷獨把酒樽開  
南溟沈醉愚先生歸自天台以詩再贈依韻代柬  
天台華頂去嘗雲一俯羣山自不羣家在夢溪揮健筆風宗學  
士擅修文無聊琴酒難逃世如此乾坤卻憶君何事人生終老  
大近來雙耳減多聞

為盛敬南題扇面

半陰半晴夏日長榴花照眼熟梅黃單衣乍試寒猶怯新扇初

需人正忙未握柄時休鼓動得乘風處合珍藏知君解識退思  
意記取蒲葵一味涼

余自少多病十六歲後稍習武技十年不知病嗣後十七  
年中凡三病皆患濕實酒病也今少瘡矣賦此自警  
隨園名句流傳久多病方知健是仙平日舉杯拚老命今朝伏  
枕乞誰憐亦知修短原關數能保康強可奪天從此醉鄉王讓  
位看誰有意着先鞭

韓漸遠先生冒雨降舍診病賦此志感

與公揖別海門東十載光陰彈指中懇乞佛心垂佛手勞乞秋  
雨趁秋風合家盼解倒懸苦到處能迴造化功三世韓康傳絕

學鄉邦今古頌神農

丁卯暮春蒙難杭州詩以紀之

同胞同作繫囚人蒙難艱貞忽一旬誰信受恩翻報怨於今弄  
假竟成真生逢斯世便爲罪夢到家山尚有親滄海橫流天不  
管狂風苦雨送殘春

海上旅舍苦雨

枕邊聽雨慵朝起飯罷看雲又午眠長日皇皇惟醉夢最難消  
受熟梅天

觀謝俠遜奕旦兩晝夜不輟

如此啟棋興孰同忘餐廢寢決雌雄旁觀我已驚無上得趣君

宜老此中一着關頭爭肉薄滿盤妙用仗心攻樓前紅日溜  
去莫訝爛柯局始終

川兒森兒寄照片來其背景爲龍湫瀑布把視愴然成四

十四韻

離家一百日艱阻歸未得高堂近八旬倚閨愴暮色自問四十  
年涉世鮮失德夙抱飢溺思抗志在禹稷奈何不合時所隨多  
抑也俯仰雁山隈峯巒賞窮劣各山有夙緣不憚遠登陟與世  
無所爭可望不可卽俗人多盲瞽怪余行兀特胡爲生不辰乃  
爲憂患迫去冬遭妻喪一室蕭條極新柩猶在堂門前大兵塞  
鄉里僅彈丸柴米窮勒索孱弱盡驚逃七日不得息余愚勞奔

走廢寢且忘食豈敢竭脂膏甘心輸民賊豺狼壓境來抗拒無  
微力苟且保閭閻危險冒不測大地忽春風五色旂翻踏白日  
麗青天所向無不克友朋屢書來觀光趨上國束裝別慈親回  
頭淚暗拭二雛爭牽裾欲語轉緘默嗟爾無母兒有父又南北  
丈夫輕別離高飛奮健翮胡爲今日行辛酸填胸臆誰知行路  
難步上荆棘豈其荆棘多含沙來鬼蜮十日西湖濱雁行齊  
被弋生世卽爲罪况彼工羅織相知駭相告紛電解狂直白門  
有故交偶傾金壺墨獲赦出樊籠扁舟星月黑大陸起龍蛇風  
雲日反側無恙慰頭顱偷生人海匿午夜思家山夢魂幾驚惑  
觀爾弟兄影凜然露歧嶷喜極悲從中徒使吾心惻百業近輟

工何以言培植謀生耻無術雪耻當有識帝力可相忘艱難教  
稼穡不幸爲吾兒此語宜鏤刻勉爾手足情還我離塵域大嘯  
入龍湫臨流狎鷗鷺

避雨酒樓飲者羣集

六月七日下午在上海大馬路

大雨傾盆淹路隈驅車急向酒家回量移小几迎風坐解脫長  
衣帶水來狂笑歡呼金盞滿相携歸去玉山頽六街燈火黃昏  
近有客樓前又一杯

鄰婢

隣家有婢女問年生在丑蓬頭髮不梳蔽體衣盡垢南北雁山  
人幽居室如斗高隣多高誼囑婢勒奔走朝來備盥漱時或持

又有詩存

亦澹蕩盧城板



箕帚食餘有餅餌與之不敢受時或強相持默然低垂首厚是  
良家兒生身有父母自入主人門薄餽聊糊口偶逢主人怒鞭  
笞恣踐蹂忍痛自吞飛殼亡喪家狗奚敢受人憐懼卽遭大咎  
嗟亡如婢身有苦心難剖兒親鬻兒時烏能顧兒後淒亡此日  
情天下親知否覩兒操作時使我傷心久

宿靈巖寺

重九前三日別一年矣

別離那忍首重回信是各山難得來療病不知瑤草貴  
子病熱採山藥服之  
念聞香正值木樨開良朋小集千杯酒險境頻經萬劫灰如此  
清秋如此夜將心接佛見靈臺

仰天窩

如此名區世不知蕭亡風雨我來遲好山有分三閒屋秋水無  
波五畝池天籟相通松入韻人塵負絕酒盈卮石臺徙倚拋書  
卷最愛西峯殘照時

自羅漢寺獨行至大龍湫書所見

獨上華嚴嶺沿溪步更遲逢人說羅漢到處曬茹絲  
時建  
絕壁添紅葉叢菁叫畫眉山茶香不斷晴雪壓花枝

臘月二十日入山大風雪

出山已月餘俗塵三斗積屢次欲歸來事阻竟未獲晨興天意  
晴喜絆登山屐庭前別妻孥牽裾情脈亡鄉里聞笑談謂余有  
孤癖款亡渡蒲溪潺亡新漲碧呼吸換新清忽焉重負釋行亡

章義樓漸遠嶺店驛路亭懸市招魏坐賣卜客天寒雙袖單兩  
鬢髯如戟張目細端詳稱余好骨格問余何事忙衝寒苦行役  
吾生六十年光陰都虛擲末藝足糊口命相兼卜易茫也世上  
人平衡持玉尺果能信吾言無損有百益區也數十錢用去非  
浪擲余笑謝卜者人生駒過隙禍福有前定無煩君代策出亭  
一翹首彼蒼怒斯赫寒威侵骨來當頭濃雲迫舉步竭奔馳似  
鳥奮健翮既踰謝公嶺涔也汗垂額下嶺至靈巖風雪任狼藉  
四山寂欲睡向午若昏夕踞也縮瑟行十里絕人跡佛厨供午  
餐朶頤自快適一笑登天柱咫尺雲外宅開軒少安排頃刻萬  
峰白

丁卯除夕

歲去歲來歲未除此身莽也劫灰餘平生肝胆空應世不死頭  
顛再寄予有弟永懷勞燕遠諸兒喜及化龍初明年披髮入山  
去風雨吾廬合著書

晚飯靈巖遂至淨名寺

雲低風緊漸黃昏雪意漫山壓酒尊五里淨名投宿處數聲橫  
笛當敲門

黃卷青燈古寺中五年化雨坐春風前村沽酒常夜半賸我疏

狂記舊踪余與周六皆候俊生侍讀淨名忽也近二十年常以夜半至靈巖門沽飲今兩君墓木拱矣過門昏黑迴憶前塵恍然隔世

人日大風雪同盛鎮南於仲彝周庸平淨名寺圍爐和月

鏡和尚韻一首

匆七五日山中住老至已忘歲月新雲樹參差泉石古雪花飛  
舞佛天春禪關入定能傳鉢人曰題詩欲效顰難得同行多健  
者消寒未息苦吟身

花朝喜晴

春過半月頻呵凍氣壓重寒若負冤待到花朝開曉日起看松  
影弄初暎呼僮趨市挑柴火約友來山滌酒罇天宇空明心境  
淨萬峰深處數聲猿

龍洞

洞裏龍歸未神靈世所稱峰高危欲倒徑屈險難登樹杪餘紅

豆岩坳挂古藤擇鄰吾更上嵐翠擁千層

自慰

天上神仙聞更苦名下久居自古難只合不仙猶不俗置身恰  
在半天間

春晴

萬里晴空一鑑開天光灩澦淨纖埃山人最愛斜陽晚倒影奇  
峰入酒杯

採石斛者歌

石斛又名仙斗功能養胃清熱雁蕩產者功效尤著價  
昂採者獲利頗豐率以飲博喪資乃作此歌

採石斜採石斜千丈峯頭行慣熟陡壁懸崖平地耳巨繩束腰  
轉轉比上下直垂蜘蛛輕左右飄飄飛鳥速憶余初次入山來  
每一見之眩心目此藝是誰始作備憑空卻教猱升木靈藥昂  
貴迫人獲人心齊向蠅頭逐供過於求採日眾終朝搜討不盈  
掬時來運通採獲多所入十倍視樵牧囊橐累然何所事郵店  
濁醪先果腹談笑喧呶意興豪盧雉呼喝四五六檠燈昏暗忽  
鷄鳴金錢脫手不能復吁嗟乎汝曹冒險好精神死生都在繩  
頭卜拚將性命出門去合家妻孥仍餽粥

干雲九修宗譜成於其宗祠設讌招飲卽席賦之

眾山抱擁好鄉村屢次經過未入門民俗猶存三代厚人文遙

接五峰尊座中談笑新春色襟上糝糊舊酒痕祖德宗功歌醉  
飽匆匕已是日黃昏

庭前紫牡丹盛開色變淡紅是爲冰池日照迴憶去年今

日蒙難杭州花好庭空如遭惡夢一笑

好花不爲春開落佳日聊憑酒醉醒稍屏繁華猶富貴能甘澹  
汨自聰明十分顛倒經年夢着意護持舊日情可笑東風太無  
賴狂吹亂打未成名

四月朔日同族姪子明暨王君桂庭鶴初自北斗洞返仰

天窩

十里靈峰道相携來去忙密雲陰不雨天氣熱猶涼春水沿溪

綠山花一路香自誇登陟慣大笑踏羊腸鷓初畏險自龍王洞而上崎嶇處都不敢行

金銀花 有序

花亦名雙寶性涼藥肆中向用河南產者今靈巖一帶  
盛植之色香味均佳醫者特書本山花或靈巖花以別  
之治溫熱清胃有殊効小滿節前後開放始白而黃香  
氣磅礴園壠間二日即萎摘焙頗忙焙花以竹及相子  
柴為最佳用他材取火則花色黯淡為賦一律

割麥採桑插晚秧山家又是摘花忙節逢小滿初開放味帶微  
甘有異香一樹蓬七千朵白明朝漸七十分黃五珍從此應添  
記雙寶金銀名字芳

羅漢阻雨遂至大龍湫觀瀑同行者侯授心林輝齋

龍湫新雨後拳裳我又來飛流千丈瀑間作數聲雷絕壁疑能  
動濃雲撥不開相看毛髮濕那得久徘徊瀑布激水 沫立潭畔頃刻  
髮際如綴細珠森寒逼人

客久立

沿大錦溪遂至龍湫菴頂君華池煮酒相款

龍秋庵在望良朋已候門招呼多厚意歡笑少煩言短竹為烟  
管香爐當酒罇空山拚一醉何處不羲軒用東坡句

擬陶淵明 一首

自我避塵網飄然適茲土忽七逾半年營七何建樹畜魚築池  
塘種木闢場圃澆愁酒一杯消閑書幾部吟詩意求新作文辭

叔均詩序

亦澹蕩虛城板

必古晉帖與魏碑興來曾一撫短笛好風前吹落梅花譜長劍  
月明中時作雙鶴舞躑躅絕隔人寰不嫌登陟苦舉世皆皇匕與  
之殊舍取堦下水澄深蕩漾擬春浦峯頂水一泓水上峰無數  
山水有清音到此精華聚海外說瀛洲於今失左股人來仰天  
窩都稱神仙府不知俗與仙高歌日又午

雨罷

向晚溟濛雲四圍枕邊滴瀝聽依稀不知昨夜雨多少起看前  
山瀑布飛

倏然

倏然午睡夢初回急雨前峰響怒雷寂寞閑堦容徙倚蒼茫百

感只徘徊時艱究竟天難問朋舊希微老漸催如此空山誰遣  
得松梢小鳥忽飛來

山中端午

今朝夏至逢端午昨日雷鳴震大千初三四日皆雷雨今歲第一次雷雨也曉霧籠山  
如束帶清風吹水不論錢鄰情厚重爭投餅空氣高寒尙着綿  
蒲酒雄黃都未備靜中歲月與人便

大暑日借章淞如徐緝旨葉石芝諸君小集長春洞賦呈

阮石泉主人

十年不到長春洞三宿流連別有情地僻偏來朋舊樂山深自  
覺暑炎清樽前酒氣含雲氣澗底泉聲誤雨聲最愛畫眉能解

事每當拂曉喚人醒

立秋日曉起徘徊堦前見湖中浮一葉大僅如錢翠綠若  
洗詳察之則新生之荷葉也賦此獎之

匆匆佳節初秋至  
鵝鴨新荷一葉鋪  
似我入山逃俗染  
喜君出水淨泥汗  
東籬學種陶潛菊  
往事悔思張翰鱸  
自是天生君子德  
他年合寫愛蓮圖

奉酬施耀東先生

用原韻一首

空山逃死幾星霜  
漫說仙源別有鄉  
木石居游憂可樂  
煙霞指點靜猶忙  
半生何事勞奔走  
舉世於今已病狂  
最羨先生仁者術  
古稀自種杏林香

### 舉世

舉世滔滔百不堪  
萬峰深處起雲菴  
秋光十日天涼爽  
矮屋五間人兩三  
壺酒清香常半醉  
盤殮淡泊有餘甘  
樵翁不識先生意  
每過輒將時事談

初三日下午大雷雨

雲起遙天急電過  
天光變幻入秋多  
劈空大雨疑傾峽  
震地雷聲欲倒窩  
一望烏溪翻白浪  
四圍絕壁盡飛波  
簑衣赤腳西臺立  
眼底奇觀能幾何

方洞下溪名烏溪源出大龍坑

依韻奉酬淨名寺式海上人

茫茫世路復年七  
負稟凌雲氣浩然  
此日恩仇無可說

佛以因果說法然召

年來飽經憂患自向無罪於人探望上人一指點也與公晤對有前緣空山寥落應師竹今年在山

種竹頗多秋水澄清自愛蓮江秋日窩中湖內忽天生蓮葉出水大僅如錢憂患

於今尚未已何時高枕得安眠

七夕

歲比年比七七夕家比戶比設筵時世間如有巧容乞天上應  
教星不移渡河待鵲將橋駕機織猶人以石支畢竟天孫仍守  
拙笑他兒女太情癡

八日書所見

早間窩上嘯羣猴午後峯前狼搏牛人少畜多常慣見天昏地  
黑不堪憂風紫雲暗又將大雨

吳天五書來問讀書法附一詩依韻答之

半生無所住南北悔栖此日空山靜新秋雲樹齊喜君遺白  
簡有志照青藜學古須堅忍自然不染泥

再至長春洞呈章淞如阮石泉葉石芝用前韻

洞天再到仍三宿主人款我太多情酒勝如海渾忘醉山色逢  
秋分外清避地無聊曾自慰揮絃休作不平聲松如習大正琴甚勤樓頭夜  
月空明裏追憶半生悔獨醒

寄懷孫衛羣并約來山一游

為念衛羣太苦辛頻年未脫宰官身空山歲月天難向大海波  
濤生不辰猿鶴蟲沙同浩劫電光石火自翻新悲歡聚散緣前



定應趁秋游洗俗塵

八月朔日記事

終日天如墨狂風挾雨來有門開不得無地與徘徊欲臥堆書  
卷先餐把酒杯幽居猶可遣惟慮晚禾摧

中秋到滬同劉貞晦飯於斜橋黃溯初廬

年七幾度太平舟又看閑雲出岫游不合時宜驚老大相逢海

上恰中秋頻經險境能無恙獨抱殘編別有愁

時貞晦為溯初校刊  
敬淵樓叢書

難得今宵談笑樂故鄉風味酒盈甌

晨起遊德國公園

人海藏身塵滿衣園林拂曉喜人稀朝曦欲上紅籠樹宿霧未

消白映堤病葉舞風傷落拓遊魚出水發真機新清吐納形骸  
健愛挹秋光緩七歸

和鄭曼青秋日感懷韻

回首家山客夢飛謀生無計尚癡肥未搜好句題紅樹欲寄遙  
情上翠微節近重陽秋渺七運逢末劫事非七何時獲遂平生  
志百二峯頭靜掩扉

題鄭曼青黃山雲海圖

昔年遊跡記黃山雲海松峰描寫難爭似鄭虔擅三絕黃山落  
手畫圖閒

重九與劉貞晦李佩秋鄭曼青小飲方壺酒罷約為詩分

得酒字冠首禁用蟹菊秋三字仍用曼青初秋述懷韻

成一律

酒興依然狂欲飛醉鄉可老換輕肥功名幾輩輪疏懶風雨孤吟入細微何處登高能免俗於今應世慚知非恆歌酣舞消磨

易午夜歸來獨扣扉

歸途與同學葛翌雲觀崑曲夜中始返

鎮南偕幹林來仰天窩賦二律予久不作詩依韻成一首

己巳初夏

泉水深清土肥厚我來築室不知難三年豹霧堪招隱四月南風尚怯寒身不厲人且行樂地能擅勝自居安近時無限桑滄感徒倚湖濱思渺漫

芒種日鑿湖告成頓改舊觀紀之

昔為便耕作湖狹不施鑿今圖湖面寬叢土兩崖削取土積山腰漸成垠塿平畦左右分廻環勢如縛程工計三旬湖地兩開拓不菽黍與禾可哉茶與藥凡事出人意事業在雲壑頃從塵俗歸仍耽山水樂小人謀稻梁君子甘藜藿幸謝故人書踐此山靈約山靈多厚誼欸予良非薄

雲九庸平鎮南冒雨來仰天窩各有詩為此答之

萬峰深處一湖開水怪山奇絕點埃魚鳥自饒塵外樂友朋難得雨中來全身濕透赤雙足棋局敲殘酌酒杯世有仙鄉人不識卻從海上覓蓬萊

陰雨

陰雨霏七日間乞晴無計掩柴關霧籠簷角凝虛白疑是殘  
冬雪滿山

六月十三日大風雨

寂也空山靜息機連朝磅礴識天威谷風怒吼將翻屋簷溜不  
垂亂撲扉白浪騰空湖欲立青峰割碎瀑紛飛早禾未居登場  
日爲祝年豐事已非

風雨不止又得二十八字

澆愁喜有杯中物閉戶只窺窗外天此日南風真努力倒吹瀑  
布落堦前

七夕苦雨和天五韻

名作歐陽喜雨亭於今說雨不堪聽鐘敲六點天猶黑酒盡一  
壺眼漸青歲值竒荒無可道人能至巧不須醒秋來莫再傷懸  
磬爲禱蒼上好乞靈

山中大風雨忽六日矣書示天五天駮

矮屋幽棲三四人壺中歲月夢中身風翻簷溜時穿瓦水滿柴  
房已斷薪竒景亂飛峰壁瀑閑情都付甕頭春敲棋課畫消磨  
易睡眠頻搓一欠伸

初十日風雨猶是憂不成寐

初四立秋

入秋七日夜而無一刻晴大風飛石去奔壑作雷鳴松竹沿山

倒蝦蟆入室行下民昏墊甚危坐易三更

十一日雨止曉起口占

望晴心切坐聽雨且喜簷端不作聲詩卷翻完鐘五下息燈啟  
戶待天明

劉貞晦自海上寄贈紅梅畫幅報以斗窟苦茶賦此媵之  
貽我梅花設色新展圖虛室頓生春空山獨處違言隱苦味遍  
嘗始見真蟹酒一年秋容易鴻毛千里話奇珍於今粒米如珠  
貴欲試餐霞吸露身

題六齋卑議有序

平陽朱平子先生於前清光緒十七年本其學術政見

著爲是書四篇六十四章皆匡時救世方藥其變通之  
倫始章痛詆程朱倡爲婦人再適爲失節之說貽害後  
世夫婦道苦家室禍興擬定三出五去之儀禮以解救  
家庭苦痛四十年前能持此論誠永嘉學派之光也然  
今日盛創女權（先生學說非今日時髦女權派所能假  
借）婚姻之間猶多難言者秋夜奇涼深山獨宿讀之  
百感交并成二十八字以志吾志

桎梏女權八百年朱程僻固蔑前賢於今猶感婚姻苦盍讀先  
生倫始篇

八月十一日爲先君子大祠屏霞廬十週年紀念家中以

是日家獻予歷為環境所迫三年未至今晨携川兒挈  
酒榼詣廬拜奠賦一律

一廬絕勝倚屏霞彈指光陰十載賒此日馨香欣有序頻年憂  
患欲無家路傍綠擁祇林樹溪畔紅開鬼蒜花酌罷樓頭多感  
慨眾何生以度生涯

鬼蒜名三十六桶漂至三十六次可食又名花集不用見救荒植物類也大荒之時民每食之今花已盛開故

及之

中秋月下

合宵萬里盡通明山自巍屹水自清幽趣舉杯聞鶴唳雄心依  
笛作龍鳴秋過一半寒先到月正團圓缺又生獨立蒼茫吟望  
處不勝惆悵昔年情

仰天宮落成三年以事不得安居此為初度中秋也

服黃精

有序

晚禾絕收米價日漲家有絕粒之虞采製黃精試代早  
餐已二十餘日矣精力轉強健甚可喜也

正是龍蛇厄運年水災旱祲迭相連人如喪狗行無路米寄珍  
珠貴上天試服黃精為避穀非求白日可昇仙何能普渡宏吾  
願免得眾生溝壑填

同是山薑異俗稱黃精九曬九回蒸迴甘祛澀存真味卻病療  
飢俱可能妙藥新添人字草

人字草即肺形草治肺病有奇功近始發明者

神功不讓夜交

藤夜交藤即何首烏

年七喜爾得天厚端合巖棲在百層

精產於中得土氣

巖峻壁厚中生

一節可數而知其年代也

雙楠詩存

中兒去年在滬寄來花種不知其名葉叢細蒼翠疏落有致花作深紅粉紅白三色含苞有日昨夜得雨數寸眾萼齊放賦以寵之

疏匕落匕菁匕葉白匕紅匕朵匕花兩歲山園忘姓氏一秋風物入詩家久晴乍雨開來好待月籠烟賞更嘉轉瞬霜天清絕處菊枝待放夕陽斜

秋懷

碧天如水接湖光俯仰清虛萬象荒浩劫當前猶杳匕大名身後總茫茫中秋過去山容好晚暑相催夜漏長撩亂花枝頻作態窺窻着意淡凝粧

閑居

閑居何事日營匕太息天公久苦晴竹笕疏泉澆菜甲鴉鋤分土掘花生買來沙蟹常磨醬獵得山羊自作羹我亦勞忙無稍息斜陽樽畔醉鼾聲

重九前二日挈川兒聰兒至靈巖寺過小龍湫久坐飯罷折桂花茭筍而歸

十里靈岩寺携兒來去忙蔬鋤茭筍白花折桂枝香晴久潭逾淨山深嶺自長傭人歸市上蝦蟳更盈筐

冬至大雪中

雪花窗外漫天白爐火圍中別樣紅我自作書兒作畫消寒長

日各分工

冬至後一日雪霽日出

雪霽空山旭日開  
攜兒松下一徘徊  
峰頭冰柱粗於斗  
滾石崩騰訝響雷

臘月初十為余生日風雪中自大荆返仰天窩

韶光飛鳥疾行年  
忽四七况復逢生辰  
頓使心驚恍世與我相  
遺媚世喜無術入山恐不深  
大林恐不密鋤月種梅花疎泉瀾  
芝朮淡泊無所營俯仰安壇率惟彼勞  
七人紛七患得失胸藏笑裏  
刀口有刀頭蜜已計苟能售人言其  
違恤襤襪是生厓誰復甘縮瑟識此  
變幻情惴七股為栗行七風雪中身忙  
心則逸

四顧天地昏熱血欲噴溢踽七常獨行何事岫雲出大笑還山去萬類都一蝨積雪籠諸峰虛白生吾室

獨行至靈巖路亭赴市者麇集書所聞

小坐路亭意不歡行人開口總辛酸委員遇事多於蝨新政頒行委員絡繹

於道催土池陳報之委員每組多至六七人費用一切都是少民之負担也大盜定章勝似官每匪尹少眼橫行温台海上盤披山履勤無功現少眼定章大船每隻納費八十元小船每隻每年納費六十四元不等給以各片為名護通行無滯

荒極只愁無米苦憂深翩覺有錢難米價日貴無以為生而盜匪橫行居家行道未有無戒

連旬冰雪頻呵凍况是匆七歲已殘

靈岩路亭歌(越三日重過路亭作此歌)

鄉村相戒雞鳴起年關急迫齊趕市綠柴青炭兩肩挑朔風刮

面膚疆紫五里十里過靈岩有亭翼然溪邊峙來也往也爲誰  
忙脚底辛酸暫休止尺五煙管各在腰半缸清茶涼震齒吸者  
飲者意態閑說地談天且開始今年不幸大荒年冰雪連旬猶  
未已城鎮市面極蕭條魚肉無人過問矣老翁自言芙蓉來四  
顧搖頭左右視向聞荒年末身經今乃貧富無彼此自從減租  
已兩年田價低落過倍蕞地方金融疆不通土地不值一張紙  
耕者許多爲惰農草長土枯袖豐視况復水旱風蝨蟲天災人  
禍紛也至甲也亦有田收租久已塵埃生釜底乙丙均爲小康  
家忍飢欲賣兒女子東村壯丁數十名結隊昨向他鄉徙西莊  
老幼不能行採盡鬼蒜及枸杞我儕手足勞動人百工廢弛絕

生理明春徂夏牛載餘新穀登場骨朽已賑欸遙願望眼穿詳  
列某鄉與某里獲賑口數實參也車薪積火一杯水望門深感  
一飯恩糊口無方丈夫耻荒過有熟暫寬懷爭奈河清不可俟  
我聞此語心傷悲輾轉思之淚如灑往事淒涼也五年咸豐甲  
寅人餓死凶荒盛傳咸豐時胡爲今年正相似正相似噫吁噫  
我亦無方呼庚癸空山寂也白雲裏

大寒前一日雪三日矣

曉起推窗望諸峰一白迷已愁瓶酒罄又見雪花飛境靜聞流  
水人閑只掩扉不堪山下去到處有啼飢

己巳除夕



攬鏡乍驚兩鬢，流光去也。等飛梭有求未肯銷，風骨無俸還。  
須伏酒魔入口，家人生病少一年。歲月入山多。歷年秋夏之間，余家  
人多疾病，今歲幸無恙而子亦得安居山中。近來兩事差堪慰，放手文章放胆歌。

雨水節挈川兒宿古竹洞

峭壁迴環玉玦懸，盤也危磴上摩天。嶺旁新種蕭也竹巖際常  
飛滴也泉境僻了無塵，俗氣人閑自有佛仙緣。條然煮藥春風  
裏，彈指光陰忽九年。壬戌三月予與理明道人製藥於洞中

織草帽歌 并序

手織麻絲草帽傳自甬，上運銷美洲需要極廣。鄉人初  
自青年婦女繼而十餘齡之童子，今則壯夫老嫗幾乎

人手一編敏捷者，每月能成帽四五頂，每頂售三四元。  
不等荒年米貴，得此誠救命王也。不知將來情形如何，  
歌以記之。有採集社會經濟學史者，諒不我遐弃也。

織草帽織草帽，麻絲往復紛素縞。圓簷平頂蟬翼輕，十指辛勤  
安毋躁。西人機械日研精，手工珍重隨時好。輾轉販運涉重洋，  
利藪爭趨百川導。歲時不幸逢奇荒，姊妹弟兄走相告。街頭粒  
米貴於珠，妙手空也將誰靠。有帽織成即是錢，一頂兩頂便深  
造。帽販羣也負絲來，窮鄉僻壤處也到家傳。人習草上風，無分  
男女與幼耄。熒然一燈常通宵，埋頭勿管庭除掃。申江飛電達  
海門，漲落時有商情報。髮網花邊過去中，草帽運銷仍未倒。若

非草帽可資生早已家上塵滿灶但願帽市能久長年荒猶嫌  
米太糙區上賑款何須頌昊上皇天毋庸禱自慚雙手只塗鴉  
長日峰巔打盹穩

春過未半月天氣極暖

纔過初春節春光忽滿庭游魚波上見歸雁霧中聽大豆都含  
紫垂楊已放青此心無所戀長醉不須醒

丁香

瓶梅久插不留芳郁李穠桃春未央閑與兒曹理花事石船坑  
下掘丁香

蔡旅平來山痛談竟夕賦以贈之

風雨迎君至無方可解嘲從頭談世態洗手具山扈濁酒澆憂  
悶黃金看結交寧爲鷓鴣笑泉石未能拋

大風雨三日沈悶無聊冒雨入山

忽上百日離山去冒雨且偷忙裏閑人到嶺亭行緩上水飛峰  
壁響潺上橫流白石疑能動碍路野花未與刪塵世勞上蜨轉  
耳看他倦鳥幾知還

又六月廿二日拂曉起坐塔前書所見

碧天萬里月華清瞥眼光騰急電生雲起南山橫一綫太空磅  
礴起雷聲

孫衛羣局長奉調他去賦以贈之

容易秋光入翠微  
閑中怕悟靜中機數日入山  
心緒不寧  
空山泉石吾將老  
宦海風雲子欲歸  
大亂未平天不管  
浮人生若夢  
計都非茫也  
別後知何似  
愁上河梁送夕暉

秋分前一日

一夕西風動九天  
乾坤清氣聚峰巔  
每當夜靜常開卷  
未到秋分已著縣  
長日自耽文酒樂  
何時能斷俗塵緣  
木樨香透靈岩道  
曾否山僧聞得先

秋意

秋意如絲萬慮灰  
携兒都上白雲隈  
斜陽把酒倚松酌  
細雨催花傲菊開  
蘭桂芬芳峯頂采  
瓜蔬鮮美壠頭栽  
飄然長此容逃

俗多謝家鄰詢我回

秋雨

積雨深山冷似冬  
晨興衣帽自重也  
微蟲識候移高宅

數日前  
移甚

忙知有  
雨兆薄霧和煙蔽遠峰  
湖水漲添魚躍樂  
花枝低壓蝶來慵  
今朝屈指中秋近  
明月遲也尚未逢

八月初旬已盡皆陰雨  
未嘗見月也

冬至將至有促織緣窻長鳴感而賦之

藐促織乃候蟲  
豆棚瓜架西復東  
炎夏將去秋欲至  
曼聲振羽奪天工  
身小聲不小  
喚醒癡與聾  
隣家有懶婦  
聞之心草也  
乾坤一夜金風急  
王孫太息廢雕籠  
人生代謝皆如此  
豈惟秋燕與春鴻  
賢達者心懷曠  
以遠茫也  
萬古在胸中  
蜉蝣非夭折龜

鶴非壽終翛然思遐舉落七俯萬峰冷煖人情曾經歷炎涼世  
態何窮通博眸冰雪太忽七憐爾殘弱傷飄蓬烏能伴我空山  
空

登飛泉寺成圓和尚擬重建寺宇爲之擇地也

行到飛泉寺來爲築室謀一龍全局擅四面好峰收人事增興

廢斜陽任去留豁庵猶不朽

豁庵爲宋時大師初  
移建飛泉寺者

鐘梵舊山頭

石船坑盛產丁香花天霧煖極解衣往採得十數本遍植

窩中口占二十八字

秋花零落不經霜殘梗枯枝收拾忙惟恐益松太孤寂滿窩隨  
便種丁香

冬至後三日下山還家早行十餘里天始拂曉

獨自下山去不嫌夜氣昏林深迷樹影路滑印霜痕待漏雞鳴  
且聞聲犬吠村前峰紅日上已過響巖門

小寒卽事

冬至以後天多霧煖如初夏

冬無三日雨而有連朝霧一白迷四方平野盡封固前日入山  
來單衣汗猶注行七到嶺頭路滑莫放步薰風拂我衣珍珠綴  
林樹是夜喜清明沈鬱一申訴皓然明月心自得空山趣風雲  
起變態萬壑齊奔赴人事嘆靡常月明畱難住冬至迄小寒仲  
冬已半度小寒竟未寒熱悶仍如故惟彼襪襪客直往不回顧

山居口占

小兒課罷常臨水老僕身閑輒怨天爲問主人何所事消寒獨酌擁書眠

冰花

衆生蠢也劇堪哀逐臭趨炎笑語開獨有冰花渾不解衝寒長日上窗來

曉起獨行至石門潭

何處閑行寫我心小橋西折獨登臨門籠霜氣諸峯白波漾朝暉萬點金大陸山河虛錦繡寒潭今古自清深終朝徒倚難拋得盡滌塵胸試苦吟

溪聲有序

趙文饒詠溪聲詩有卻笑溪聲忙底事奔流扁欲到人間責備甚嚴余獨行山中偶聽溪聲頗有所感成一十字特爲溪聲解嘲焉

山行漸上溯溪行愛看山容聽水聲流到人間非所願潺湲長作不平鳴

試作菜飯寄陳劍生海上

同餐橋畔雙排飯

上海菜館皆在西新橋一帶

獨宿峰巔一試之細稗稻肥金

作饌禾之佳者各細桿金黃芽菜嫩玉爲絲香魚夾炒先分刺醬肉爛燒盡

去皮寄語春申江上客朶頤快否且吟詩

除夕前一日

又有詩字

亦詹葛盧城板

春雨連旬濯凍泥村前流水滿清溪晨興喜見陽光現多少人  
家早洗衣

得何无咎先生書水簾谷詩軸

千峰二谷相先後書畫文章三百年汲古風流高閣峙秀才名

氏此邦傳

先生著有汲古閣集又樂清俗語曰秀才通何白公迄今婦儒皆知

據鞍顧盼臨關壘掃石留

題寫水簾手澤於今珍拱壁摩挲永日竟忘眠

除夕

連朝爛醉謝年酒今夜又書除夕詩一月清明能幾日萬方平

欲定何時

臘月盡矣惟初九雪霽見日餘均陰雨雪霧也

歲寒宜友梅松竹身累未拋肉骨

皮何事春風忙碌甚又吹霜雪到吟髭

和蔣魯材六十自壽

雁山伏處五經年魚有清湖尤有田飛瀑竒峰供嘯傲松窻竹

榻足清眠閑情消極供詩債俗慮通結佛緣可與先生追放

達室家團聚卽神仙

爲武修齋連長築墓

去年覩君死今日埋君骨與君何因緣臨風空咄叱

畫眉

三月春風拂面吹花香鳥語及時宜晝長酌罷渾無事徙倚松

陰聽畫眉

入山

又有詩字

家居羈塵俗入山養時晦登陟不辭勞嶺上汗浹背一到仰天  
窩卸衣先滌穢涼水沃體膚清茶沁肺腑池上赤雙脚洞達無  
罣礙窗前一楊橫煩爽竟隔代美酒酌盈罇下酒不需菜佳趣  
弄斜陽竒峯長相對嗟彼世上人知進不知退我每入山來身  
心兩礪淬松下挹春風文章滿大塊清泉與白雲悠々真樂在  
安能長在山一笑謝流輩

浴佛日自靈峰逾謝公嶺觀老僧巖還過三折瀑大雨傾

盆遂宿靈巖口占呈黃賓虹先生

十里二靈細々游幽深竒絕且窮搜先生擅有淋漓筆無數煙  
縷帶雨收

### 端陽

萬壑千巖着一廬廬中五載見真吾讀書幸覺心靈會遇事漸  
能意氣無龍眼枝頭開野菊對花似秋菊名龍眼晴曼山盛開虎鬚水而剪新蒲撐  
腸不必雄黃酒自遣邪魔遠驅

初六日風雨甚寒

端陽過了送寒衣古齋流傳事竟非屈指今朝初六矣反添秋  
意雨霏々

小暑後五日拂曉入山口占

曙色初開見石梁竹梢松頂漸青蒼稻花一路清香透步入雁  
山趁早涼

雨中同駛兒川兒過靈巖寺訪俞劍華先生

夜雨乍涼睡起遲前峰瀑布亂飛時呼兒携酒靈巖去爲訪山  
東名畫師

芒鞋籐杖三千里選勝探竒百二峰好待晴明南閣道收羅應  
不讓賓虹

弔千漢臣喪門衰祚薄欲哭無淚世態炎涼一至於此成  
一十八字以志哀痛

孤兒寡婦太淒清草上喪中禮告成我向青天搔首問世間何  
物是人情

逐猴歌

積雨瀟灑風颭濃雲密霧籠山頭經秋一月未肯休山園覓  
食來羣猿自予入山甘淡泊俯仰一壑與一邱豆棚瓜架尋滋  
味與人無爭世無尤嗟爾猴欲何求既有口腹慾應知正路由  
忝然手足具不爲稻糧謀成羣結隊出幽谷窺人灼轉雙眸  
小者狸貓差相似大者蒙茸疑牯牛左右上下任跳躑狼貪豕  
突兼鼠偷山芋未熟豆未實不管山家望有秋揭籐翻葉掘根  
蒂狂吞亂嚼且窮搜兒輩見猴大聲呼爾猴與人豈世仇我持  
快槍前追逐兒亦隨後執戈矛一彈劈空峯欲裂羣猴急走天  
爲殺愁傷猴命亦何益嚇猴遠徙毋久留山高霧重猴不見猶  
聞猴鳴聲啾啾



雲南李君芷谷久任第三軍總參議挈伴來游以詩見貽  
依韻和之

射虎將軍百戰身偶來雁蕩信前因相逢一笑秋容好同是靈  
山會上人

消遣光陰日涉園敢將心事託青門樂天知命先知足慣着布  
衣咬菜根

萬里昆明有遠思一堂風雨憶當時頭顱報國尋常事身後茫

茫天未知

舊學友陶成君字成之雲南昭通人帝制之役爲以坡軍使被張敬堯之重慶民尤之秋松公喪歸自海上遇學友劉崑濤多人述其事允爲草其大畧囑爲作傳今各死生離別踪跡杳然 憐良友爲之一慨

音書日七滬江來低首持封總怕開觸目驚心災滿地斯民無

路躋春臺

八月十四夜月下

山居最愛秋容好無奈秋來風雨多今夜雲開初見月一時興  
到且高歌桂香暗透魚吹浪松影漸移鳥未窠圓滿光明如可  
久普天氣象自中和

霜降後二日田間早行

不畏行多露秋禾覆壠黃西峰猶曉月大地已新霜身隱名招  
妒心閑事卻忙溪橋佇立久俯仰感蒼茫

疥瘡

癬疥原非病牽纏卻不清將瘡先作癢欲好又重生血濺搔方

息痴成意未平蘭湯動洗濯頓覺一身輕

冬至後五日過隘門嶺書所見

漫天雪意我離家石徑沾泥路覺賒風土歲時應作記梅花香裏看桃花

除夕立春

峰頭四顧絕高寒獨處離羣天地寬飛舞雪花春始到匆忙世事臘將殘驚聞海上烽烟急深愧山中泉石安逝水年華雙鬢改雄心愁向鏡前看

壬申元旦

年光容易四逢申莫嘆今吾生不辰欲抱殘編行素願肯隨流

俗溷風塵曾經滄海難爲水獨立蒼茫寄此身常住名山長閉戶堪誇我亦謫仙人

人日偕何禹門干仲彝盛鎮南觀大龍湫遂過天柱七賢祠午餐於龍湫庵

佳節逢人日勝游過馬鞍溪流鋪錦繡祠宇賸荒寒甕酒春堪醉菜根美可餐山中容一飽世路曠漫

跳頭

海濱四日小樓居漸覺春深雨未疏戶備篷帆柁櫓漿餐兼蚌蛤蠓蝦魚杏花千樹家何在地多杏紅高下迷離瀑布雙飛畫不如村端有雙瀑甚佳此亦桃源堪避世謀生多術只拋書

自跳頭渡海至西門

西門昔年爲土匪所

聲勢浩大皆空城計也

魚罾棋布海浮白麥隴梯傾山擁青遠岸遙天迷一色蛟龍前  
夜不堪聽

以斗室苦茶及龍湫茶寄陳劍生詩以勝之并述山居近

况

空山風雨閉門居三載相思莫慰予世味遍嘗惟賸苦人情識  
透總歸虛春雲漠<sub>七</sub>都奔壑流水娟<sub>七</sub>自到渠一味清閑天賦  
與萬峰環擁讀奇書

立夏

昨宵春去杳無蹤春水潺<sub>七</sub>春雨重梅子味酸時令改櫻桃紅

透露華濃消愁難得詩千韻排悶時呼酒萬鍾醉倒今朝何所

事稱量體重已疎慵

俗例於立夏秤體重此事已久疏矣

山居苦雨詩以遺悶

日<sub>七</sub>陰霾鬱不開山人無地與徘徊  
百數盞酒連壺飲剪幾枝花帶雨栽  
湖水澄清能見底庭堦濕滑欲生苔  
前溪多少亂雲脚又向嶺頭飛上來

四月二十六日偕陳叔通劉放園林子有梁眾異冒雨登

苦竹洞歸途過淨名寺遂與子有先生窮水簾維摩洞

之勝口占一絕

淨名谷口更朝西煙雨霏<sub>七</sub>路欲迷探罷幽竒相一笑渾身都

是水淋衣

端午

前峰雲影去遲遲  
小立松陰有所思  
人到中年常躲懶  
時逢佳節強吟詩  
艾旂蒲劍終何用  
黃酒殊符亦是癡  
四載空山過端午  
我行動與世相遺

苦雨

簷溜潺湲夜欲闌  
無聊心緒恨晴慳  
四圍花氣都成水  
一片湖光漫映山  
豈獨余之懷渺漭  
應知天亦淚潛漣  
夏中如此輕寒甚  
又恐蒼生血淚斑

山閒

辛勤採石爲階級  
子細封堤望水平  
莫道山人疏懶甚  
山閒事亦費經營

天氣大變以二十八字記

早稻將黃未見日  
楊梅紅熟尙衣棉  
近來天亦多翻覆  
最是今年五月天

鳴玉溪卽景

稻花沿路香初滴  
松影籠沙翠欲迷  
積雨乍晴忙亦樂  
泉聲長日玉鳴溪

中秋前三日屏霞廬坐雨

寒衾似水已三更  
小住屏霞夢不成  
竹筧泉奔疑雨急  
峯頭雲

朗訝天明松梢濕重螢低壓蔓草淒涼蛩亂鳴如此清秋如此  
夜無聊燈畔寫幽情

霜葉

霜重天寒多苦辛丹楓紫柏費調勻一年好景惟紅葉點染江  
山別樣新

蔡君旅平善操三絃令人心醉爲此贈之

爲愛芙蓉蔡旅平三絃入手意縱橫清彈韻透冰霜潔妙緒神  
飛風雨鳴夜汨秋江哀落雁酒醒入板氣吞鯨與君卅載相思  
切攜手靈巖月正明

題西石梁洞

瀑飛百丈潭千丈峰湧一重雲幾重我愛石梁觀不厭危巖徒  
倚聽淙淙

癸酉元旦

連村爆竹未成聲枕上低徊夢頓驚大地已非吾故土小民從  
此不聊生年華電逝悲將老意氣冰消欲隱名十日陰沈寒徹  
骨小園催送落梅輕

梅壘縣長以大龍湫觀瀑詩見寄依韻奉和

每從佳處拓心胸澎湃奔騰有蟄龍天付人閑空歲月地留湫  
大入雲峰瀑飛百丈潭千丈樹湧一重雲幾重四壁迴環天若  
玦忘歸亭上認仙蹤

立秋前一日偕德京姪至大龍湫卽事偶賦再和梅公韻  
寄呈

近來何事繫吾胸履到龍湫欲起龍居傍錦溪宜種竹門臨霞  
映不遮峰相偕海上人千里自踏雲山又幾重落日斜陽歸去  
晚涼宵聊寄浪游踪

有感仍用元韻章呈梅公

平生一事恨填胸無德能馴野性龍世故何常迷途徑人情竒  
幻夏雲峰欲消色相偏無我自民恩仇不記重我亦思歸匕未  
得家山咫尺有仙踪

灤州橋橋上

吳綠貞胡景翼駐守此橋爲近代歷史上最著名之事現  
東北軍何柱國守此

灤州橋上東流水閱盡滄桑幾度春多少英雄皆老去河山破  
碎望斯人

五月十六夜日軍度長城各口逼遵化城寅夜過石門寨  
天明見兩山皆被飛機砲火跡不敢久停行抵劍縣已  
過一百二十里沿途書所見不忍言詩也遂返北平

胡壑匝地夜黃昏萬馬收聲過石門淒楚郊原搜果木

時村中  
伐木以

荒涼城郭絕雞豚敗兵劈竹言之愧

余在三屯營見宋哲元將  
軍盛言本軍防備之嚴

上將回車不着痕

各將領之車炮塵而  
馳士兵欲攀援不得見說飛機驚碎胆

遵化被飛機  
甚烈一四

大家腹枵又前村

昨夜自遵化出發點水未入口至劍縣未飽餐又  
行我輩以十時出遵化日軍於十一時卽進城矣

次下坑

